

Xoves, 12 de setembro de 2024

Núm. 178

**ADMINISTRACIÓN LOCAL****MUNICIPAL****MOS****Recadación**

*PROCEDIMENTO PARA A CONCESIÓN DE SUBVENCÍONS ÁS FAMILIAS DO ALUMNADO,  
DE EDUCACIÓN INFANTIL, PRIMARIA E SECUNDARIA, PARA O CURSO 2024/2025.*

**ANUNCIO**

Aprobadas por acordo da Xunta de Goberno Local do 19 de xullo do 2024, as bases da convocatoria de axudas municipais para libros e material escolar e uso do servizo de comedor escolar (curso 2024/2025), en base aos artigos 23.2 a) da Lei 38/2003 Xeral de Subvencións, artigo 11 da ordenanza Xeral de subvención do Concello de Mos e demais normativa de aplicación, por medio do presente anuncio procédese a súa convocatoria pública

*BASES PARA AXUDAS MUNICIPAIS PARA LIBROS E MATERIAL ESCOLAR E USO DO SERVIZO  
DE COMEDOR ESCOLAR NO CURSO 2024-2025, PARA ALUMNADO DE EDUCACIÓN INFANTIL,  
PRIMARIA E SECUNDARIA*

**BASE I.- OBXECTO DA SUBVENCIÓN.**

É obxecto da presente convocatoria regular o procedemento para a concesión de subvencións ás familias do alumnado, de educación infantil, primaria e secundaria, para o curso 2024/2025. Estas axudas outorgaranse de acordo cos principios de publicidade, concorrència e obxectividade, establecendo un procedemento que tenta ser áxil, eficaz e breve no tempo.

As axudas van dirixidas aos menores de familias con dificultades socio-económicas e de conciliación da súa vida familiar e laboral.

A finalidade última é apoiar ás unidades familiares que, por recursos económicos insuficientes vense limitados para afrontar totalmente o custo do servizo.

**BASE II.- ACTIVIDADES E PROGRAMAS SUBVENCIONABLES.**

1. Axudas para a adquisición de libros e material escolar para o alumnado de Educación infantil ( primeiro e segundo ciclo), primaria e secundaria. O concepto subvencionable será o material escolar, considerado este como aquel necesario para realizar as actividades que se desenvolvan ou se promovan no centro docente, como cadernos de soporte, material informático de apoio, material de papelería non reutilizable ou material de manualidades, licenzas informáticas das App e dos libros de texto usadas



Xoves, 12 de setembro de 2024

Núm. 178

nos centros educativos e libros, excluindo expresamente o material escolar e os libros de texto que sexan subvencionados ou cedidos por outras administracións.

Non serán subvencionables a roupa, calzado, uniformes, estoxos, mochilas, tupper e outros utensilios etc.

2. Axudas para o servizo de comedor escolar para o alumnado de educación infantil (2º ciclo) e educación primaria dos CEIPs PÚBLICOS do Concello de Mos, sempre e cando este non gocen de gratuidade.

### BASE III: CRÉDITOS ORZAMENTARIOS

1. Para as axudas de libros e material escolar, existe na partida orzamentaria 231.489.0007 crédito suficiente para 10.000 €, que será o importe máximo que se poderá outorgar por esta liña de axudas.
2. Para as axudas de comedor escolar o importe máximo existente na partida orzamentaria 323.489.0903 para os meses de setembro, outubro e novembro do ano 2024 será de 10.000€.

Para os meses de decembro ata a finalización do curso académico 2024/2025, o orzamento será de 20.000€, e imputarase a partida 323.489.0903 do orzamento do ano 2025, dependendo da consignación orzamentaria, e no caso de que esta sexa menor, limitarase á que se recolla nese orzamento.

En ningún caso, a suma das subvencións concedidas poderá superar a contía establecida nas partidas orzamentarias para cada unha das axudas.

### BASE IV.- PERSOAS BENEFICIARIAS

As persoas interesadas nestas axudas deberán cumprir os seguintes requisitos:

1. Ser pai, nai, titor/a ou familia de acollida dun/dunha alumno/a que estea matriculado/a no curso 2024/2025 nun dos cursos obxecto da axuda.
2. Non estar incursas nas prohibicións para obter a condición de beneficiaria, recollidas no artigo 10 da Lei 9/2007, do 13 de xuño, de subvencións de Galicia.
3. Estar ao corrente por todos os conceptos nas obrigas tributarias e non tributarias coa facenda local, e os seus organismos autónomos. No caso contrario deberán presentar solicitude de fraccionamento de débeda cuxo cumprimento será tido en conta para a concesión de futuras prestación de igual natureza.
4. Cumprir co baremo económico recollido na base VI.



Xoves, 12 de setembro de 2024

Núm. 178

*BASE V: PUBLICIDADE, PRESENTACIÓN DE SOLICITUDES , PRAZO E DOCUMENTACIÓN*

A publicación das presentes bases e convocatoria, así como a resolución das axudas realizarase na sede electrónica e páxina web do Concello de Mos e anunciaranse na Base de Datos Nacional de Subvencións que publicará o texto completo e remitirá un extracto ao Boletín Oficial da Provincia para a súa publicación

As solicitudes deberán presentarse, segundo o modelo facilitado no Concello, ou na páxina web, dende o día seguinte da publicación do anuncio coa resolución da Alcaldía no BOPPO ata o 30 de setembro do 2024, e as mesmas poderán presentarse no Rexistro Xeral do Concello de Mos ou por calquera dos procedementos establecidos no artigo 16.4 da Lei 39/2015, do 1 de outubro, do procedemento común das administracións públicas.

Con carácter excepcional nas axudas de comedor escolar, e co fin de dar protección ás situacións carenciais ou excepcionais do alumnado xurdidas unha vez pechado o prazo ordinario da convocatoria e resoltas as axudas da convocatoria ordinaria, poderase abrir convocatoria extraordinaria, si existe crédito orzamentario e esta debidamente xustificada dita necesidade polo persoal técnico do Departamento de Política Social.

As axudas que se concedan a través desta convocatoria, publicaranse na sede electrónica e páxina web do Concello de Mos, con expresión da persoa solicitante, do/a alumno/a, curso, colexio, importe, finalidade da subvención e resolución recaída (concedida/denegada ou lista de espera) e enviarase á base de datos nacional de subvencións (BDNS).

Non se admitirá ningunha solicitude presentada fora de prazo.

A mera presentación da solicitude suporá que a persoa solicitante coñece e acepta as presentes bases da convocatoria.

Xunto coa solicitude e os anexos correspondentes, as persoas interesadas deberán de presentar os seguintes documentos:

- Copia do D.N.I. da persoa solicitante, do cónxuxe, titores/as ou familias de acollida no seu caso.
- Fotocopia do libro de familia. En caso de separación ou divorcio entregarase tamén copia da sentenza xudicial ou convenio regulador onde conste a custodia do/a menor.
- Certificado de convivencia da unidade familiar, excepto as unidades familiares empadroadas no Concello de Mos, que se comprobará de oficio.
- Declaración da renda do exercicio 2023 da persoa solicitante e do cónxuxe ou persoa unida por análoga relación. No caso de non ter feito declaración da renda, presentarase, no momento da solicitude, certificado negativo emitido por Facenda, xunto cos xustificantes de ingresos do ano 2023 dos organismos dos que perciba ingresos, Seguridade Social, INEM, Xunta...
- Vida laboral daquelas persoas que formen a unidade familiar e non fagan a declaración da renda



Xoves, 12 de setembro de 2024

Núm. 178

- Xustificante de matrícula no centro escolar do alumnado para o que se solicita a axuda.
- Orixinal das facturas, a nome da persoa solicitante ou menores beneficiarios, detalladas do material e, no seu caso, xustificante de ANPA ou Centro Escolar do gasto realizado.
- Xustificante da empresa concesionaria ou da ANPA da solicitude do servizo de comedor, con indicación do número de días mensuais que acudirá cada menor.
- Declaración xurada de non ter débedas coa Facenda Pública (administración local, seguridade social e facenda)
- Certificado expedido pola Tesourería do Concello de Mos ou Concello de residencia, ou organismo dependente dos tributos municipais, de non ter débedas coa entidade municipal as persoas representantes legais do alumnado, excepto as unidades familiares empadroadas no Concello de Mos, que se comprobará de oficio.
- Certificación do número de conta bancaria.
- Documentación, se é o caso, no momento de presentación da solicitude, que xustifique o empeoramento de máis dun 30% da situación económica durante o ano 2024, en relación ao que consta na declaración do IRPF 2023.

#### BASE VI. CRITERIO DE VALORACIÓN

Os ingresos económicos que se computarán son os do ano 2023

Nos casos de que a capacidade económica da unidade familiar experimentase un deterioro significativo en relación coa que consta na declaración de IRPF do último exercicio, os interesados terán que manifestar esta circunstancia e acreditar a nova situación económica achegando a documentación xustificativa correspondente ó primeiro semestre do ano 2024, no mesmo momento da solicitude.

Para a concesión da axuda terase en conta, o número de membros e a renda per cápita da familia, partindo do indicador público de Renda de Efectos Múltiples (IPREM 2024= 8400 € anuais).

*Segundo isto, a renda familiar para o cálculo dos ingresos que se computarán é o resultado de facer as seguintes operacións coa declaración do IRPF:*

- $\text{casiña 435 (base imponible xeral) + casiña 460 (base imponible de aforro) - casiña 595 (cota resultante da auto liquidación)}$

Concederáselles a axuda ás unidades familiares que non superaran no ano 2023 os seguintes ingresos:

- Unidade familiar de dous membros: 16800€
- Unidade familiar de tres membros: 25200€
- Unidade familiar de catro membros: 33600€
- Unidade familiar de cinco ou máis membros: 42000€



Xoves, 12 de setembro de 2024

Núm. 178

Considérase unidade familiar, a formada polo pai, nai, titores ou persoas encargadas da garda e protección dos/as menores e fillos/as solteiros/as da persoa solicitante menores de 25 anos se estudan ou están desempregados, sen ter conta outras persoas que convivan no domicilio.

No caso de divorcio ou separación legal dos pais, non se considerará membro computable aquel que non conviva co causante. Non obstante, se é o caso, terán a consideración de membro computable o novo cónxuxe ou persoa unida por análoga relación, e as rendas inclúiranse dentro do cómputo da renda familiar.

No caso que o importe das axudas solicitadas sexa superior o crédito existente nas partidas orzamentarias, empregárase o seguinte criterio para a concesión das axudas:

1. Situación económica: menor renda per cápita
2. Número de fillos: maior número de fillos/as
3. Familia monoparental.

Se aplicados os criterios preferentes anteriores, existe empate, terase en conta a data de entrada de presentación no rexistro do Concello.

#### *BASE VII: IMPORTE CONCEDIDO PARA CADA UNHA DAS AXUDAS:*

1. Axuda de libros e material escolar: O importe das axudas non superarán en ningún caso o 100 % do gasto xustificado nin o importe seguinte:
  - Educación Infantil (1º ciclo).....ata 40,00 €
  - Educación Infantil (2º ciclo).....ata 80,00 €
  - Educación Primaria.....ata 80,00 €
  - Educación Secundaria.....ata 80,00 €.
2. Axudas para comedor escolar: O importe das axudas para cada neno/a será de 2€ menú/día, que será pagado á persoa solicitante despois da presentación das correspondente facturas da empresa concesionaria e xustificantes de pago, en TRES prazos:
  1. De setembro a novembro do 2024, presentando as facturas e os xustificantes bancarios ou xustificante de pago da empresa responsable do catering entre os días 9 e 16 de decembro de 2024 (ambos incluídos)
  2. De decembro de 2024 a marzo do 2025, presentando as facturas e os xustificantes bancarios ou xustificante de pago da empresa responsable do catering, entre o 14 e 21 de abril de 2025 (ambos incluídos)
  3. De abril de 2025 a xuño do 2025, presentando as facturas e os xustificantes bancarios ou xustificante de pago da empresa responsable do catering, entre o 10 e o 17 de xullo (ambos incluídos)

No ano 2025, o crédito dispoñible distribuírase da seguinte maneira: o 60% do crédito para o período de decembro, xaneiro, febreiro e marzo, e 40% para os meses de abril, maio e xuño.



Xoves, 12 de setembro de 2024

Núm. 178

As persoas solicitantes da axuda deberán presentar, inda que a resolución definitiva de persoas beneficiarias non fose publicada, a documentación relativa o primeiro período subvencionable nos prazos establecidos.

#### *BASE VIII.- OBRIGAS*

As persoas solicitantes das subvencións quedan obrigadas a:

1. Cumprir coas estipulacións recollidas na Lei Xeral de Subvencións como na Ordenanza Xeral de Subvencións do Concello de Mos (BOP nº 177 do luns 14 de setembro de 2009).
2. Responder legalmente da veracidade dos datos expostos e da documentación presentada.

#### *BASE IX.- PROCEDEMENTO*

A instrución do procedemento de concesión das axudas levarase a cabo polos Departamento de Educación e Política Social, ao que irán dirixidas as solicitudes para acollerse ás presentes subvencións.

Unha vez recibidas tódalas solicitudes e rematado o prazo de presentación das mesmas, comprobaranse os requisitos esixibles e a documentación acreditativa, e de ser o caso, requiriráselles as persoas que non presentaron toda a documentación pertinente, para que a presenten nun prazo improrrogable de 10 días naturais, e de non facelo así, desestimárase e arquivárase sen máis trámite o abeiro do disposto no artigo 68 da Lei 39/2015, do 1 de outubro, do procedemento administrativo común das administracións públicas.

As solicitudes serán desestimadas polos seguintes motivos:

- Presentar a solicitude fora de prazo.
- Non entregar a documentación esixida polos servizos administrativos.
- Se teña constancia de que os datos presentados son falsos.

As solicitudes admitidas serán valoradas por una Comisión de valoración integrada por Concelleira de Política Social, Concelleira de Educación, Psicóloga e Educadora social conforme os criterios que constan nestas bases e elevarase a proposta de adxudicación de concesión á Alcaldía.

Posteriormente, a proposta pasará a Intervención Municipal, para que proceda a fiscalizar o expediente, de acordo co Real decreto 2/2004, de 5 de marzo, polo que se aproba o Texto Refundido da Lei Reguladora de Facendas Locais.

A concesión das subvencións realizarase mediante resolución da Alcaldesa-Presidenta do Concello, de acordo coas presentes bases e convocatorias.

O prazo máximo para ditar resolución será de tres meses dende a finalización de presentación das solicitudes.



Xoves, 12 de setembro de 2024

Núm. 178

Aprobada a proposta, publicarase na sede electrónica e na páxina web do Concello a resolución recaída.

A resolución porá fin a vía administrativa podendo as persoas solicitantes interpor o recurso potestativo de reposición ante o mesmo órgano que ditou o acto no prado dun mes dende o día seguinte ao da súa notificación, de acordo co establecido no artigo 124.1 da Lei 39/2015, do 1 de outubro, do procedemento común das administracións públicas, ou ben directamente recurso contencioso administrativo nos termos recollidos na lexislación vixente

O acordo de concesión non terá obrigatoriamente que distribuír a totalidade do crédito.

#### *BASE X.- FORMA E PRAZO DE XUSTIFICACIÓN DO CUMPRIMENTO DOS FINS DAS SUBVENCIÓNS*

1. Axudas de libros e material escolar: Os gastos serán xustificados mediante facturas orixinais a nome de cada un das persoas menores para as que se solicita a axuda, ou da persoa solicitante, ou outros documentos admitidos no tráfico mercantil de acordo coa lexislación prevista. Cando o abeiro do artigo 13 da Lei 39/2015, do 1 de outubro, do procedemento común das administracións públicas e 171 do Regulamento de funcionamento organización e réxime xurídico das entidades Locais (R.D. 2568/1985 de 26 de novembro) soliciten o desglose das facturas orixinais do expediente, procederase o mesmo deixando copia compulsada no expediente. En caso de que se obtivera a axuda expresarase na factura o importe da axuda outorgada polo Concello. O Concello de Mos poderá requirirlle á persoa solicitante cantos documentos e aclaracións considere necesarios para completar o expediente, e tamén poderá dispor que se leven a cabo as comprobacións oportunas dos datos consignados nas solicitudes.
2. Axudas de comedor: Os gastos serán xustificados pola persoa solicitante, mediante facturas orixinais e xustificantes de pago de devanditas facturas á empresa que realiza o servizo no que figure o importe total do gasto realizado polo usuario/a, días de asistencia do beneficiario/a por meses vencidos, ou outros documentos admitidos no tráfico mercantil acorde coa lexislación prevista.

O importe concedido a cada menor beneficiario será ingresado a nome da persoa solicitante na conta bancaria facilitada, na que a persoa solicitante deberá constar como titular.

*Abriranse tres prazos para que as persoas beneficiarias solicitantes das subvencións xustifiquen os gastos:*

- De setembro a novembro do 2024, presentando as facturas e os xustificantes bancarios ou xustificante de pago da empresa responsable do catering entre os días 09 e 16 de decembro de 2024 (ambos incluídos)
- De decembro de 2024 a marzo do 2025, presentando as facturas e os xustificantes bancarios ou xustificante de pago da empresa responsable do catering, entre o 14 e 21 de abril de 2025 (ambos incluídos)



Xoves, 12 de setembro de 2024

Núm. 178

- De abril de 2025 a xuño do 2025, presentando as facturas e os xustificantes bancarios ou xustificante de pago da empresa responsable do catering, entre o 10 e o 17 de xullo (ambos incluídos)

As persoas solicitantes da axuda deberán presentar, inda que a resolución definitiva de persoas beneficiarias non fose publicada, a documentación relativa o primeiro período subvencionable nos prazos establecidos.

Será responsabilidade da persoa solicitante presentar a documentación xustificativa nos prazos establecidos para cada un dos períodos, non estando obrigada a administración de recórdalle o inicio e fin dos mesmos.

Se nos prazos establecidos as persoas solicitantes non presentan as facturas da empresa concesionaria e os xustificantes de ten aboado o servizo, procederá a non reintegrarse o importe no mes non xustificado.

No caso de que non se presenten ambos documentos xustificativos (factura e xustificante de pago da mesma) non se procederá a reintegrar a axuda nese período.

#### *BASE XI.- COMPATIBILIDADE*

Serán compatibles estas axudas con outras subvencións, axudas, ingresos ou recursos para a mesma finalidade, procedentes doutras Administracións ou entes públicos privados, sempre que o importe global das subvencións outorgadas non sexa superior o 100% do gasto. Os/as beneficiarios/as deberán comunicar o Concello todas aquelas axudas solicitadas, as concedidas e o importe das mesmas.

#### *BASE XII.- PROCEDIMENTO DE REINTEGRO DE SUBVENCÍONS PERCIBIDAS*

No referente ás infraccións e sancións, en materia de subvencións serán de aplicación os artigos 50 e seguintes da Lei 9/2007, do 13 de xuño de Subvencións de Galicia.

No caso de que con posterioridade ao pago dunha subvención se descubra que as persoas solicitantes non reúnen as condicións necesarias para acceder a elas, ou non xustificaran as cantidades xa percibidas en concepto de anticipo, estarán obrigadas a devolver as mesmas xunto cos xuros de demora, nos termos indicados no artigo 33 da citada Lei 9/2007, do 13 de xuño, de Subvencións de Galicia, sen prexuízo das responsabilidades civís e penais que dean lugar.

#### *BASE XIII. -PROTECCIÓN DE DATOS*

De acordo co disposto na Lei orgánica 3/2018, do 5 de decembro, de protección de datos de carácter persoal, infórmase de que os datos que se faciliten na participación do procedemento serán incorporados en un ou varios ficheiros, cuxo responsable é o Concello de Mos, con domicilio na Praza do Concello,1-Mos- Pontevedra, onde se poderán exercitar en todo momento os dereitos de acceso, rectificación, cancelación e, se fose o caso, o de oposición.

Pode verificar a integridade deste documento no seguinte enderezo:  
<https://sede.depo.gal>  
Código seguro de verificación:0863EBELP5G3FSXS





Xoves, 12 de setembro de 2024

Núm. 178

Coa presentación de solicitude para participar no procedemento os titulares dos datos persoais facilitados consenten expresamente o seu tratamento coa finalidade de levar a cabo a tramitación do dito procedemento.

### *DISPOSICIÓN FINAIS*

En todo aquilo non regulado expresamente nestas bases, rexerase polas disposicións xerais recollidas na Ordenanza Xeral de subvencións e resto da normativa reguladora das subvencións.

DOCUMENTO ASINADO DIXITALMENTE

A ALCALDESA- PRESIDENTA

NIDIA MARIA AREVALO GÓMEZ



Xoves, 12 de setembro de 2024

Núm. 178

## SOLICITUDE

### AXUDAS MUNICIPAIS CURSO 2024/2025

- LIBROS E MATERIAL ESCOLAR
  
- USO DO SERVIZO DE COMEDOR ESCOLAR

### DATOS DE IDENTIFICACIÓN DA PERSOA SOLICITANTE:

<b>NOME E APELIDOS:</b>	<b>D.N.I.</b>
<b>ENDEREZO:</b>	
<b>LOCALIDADE:</b>	<b>TELÉFONO:</b>
<b>E-MAIL:</b>	

### DOCUMENTACIÓN QUE SE INCLÚE COA SOLICITUDE CONFORME Á BASE V

( Sinale a documentación que presenta)

- Copia do DNI da persoa solicitante e do cónxuxe, ou titores no seu caso.
- Fotocopia do libro de familia.  
En caso de separación ou divorcio entregárase tamén copia da sentenza xudicial ou convenio regulador onde conste a custodia do/a menor.
- Certificado de convivencia, agás as familias empadroadas en Mos, que se comprobará de oficio.
- Certificado expedido pola Tesourería do Concello de residencia de non ter débedas coa entidade municipal, agás as familias empadroadas en Mos, que se comprobará de oficio.
- Declaración da renda do exercicio 2023 da persoa solicitante e cónxuxe.  
No caso de non tela feito, presentarase un certificado negativo emitido por facenda, así como os xustificantes de ingresos do ano 2022 dos organismos dos que perciba os ingresos: Seguridade Social, INEM, Xunta, etc.
- Vida laboral de todas as persoas que formen a unidade familiar e non fagan a declaración da renda.
- Xustificante de matrícula do/a alumno/a.
- Material escolar:** Orixinal das facturas detalladas do material escolar, e no seu caso, xustificante da ANPA ou centro escolar do gasto realizado. Non serán validos tickets.
- Comedor escolar:** Certificado da ANPA conforme solicitou o servizo para este curso e o número de días solicitados
- Certificado bancario da persoa que solicita a axuda.



Xoves, 12 de setembro de 2024

Núm. 178

- Anexo II Declaración das persoas solicitantes de non ter débedas con ningunha das distintas administracións nin coa Seguridade Social.
- Anexo III Declaración das axudas solicitadas ou percibidas das outras administracións públicas.
- Documentación xustificativa do empeoramento da situación económica durante o primeiro semestre do ano 2024 en relación cos datos obrantes na Declaración da Renda do ano 2023.

**Outros membros da unidade familiar:**

(Indíquese os datos de todas as persoas que forman a unidade familiar)

NOME E APELIDOS	PARENTESCO	IDADE	DNI

**SINALE A/AS AXUDAS QUE PRECISE E COMPLETE OS DATOS DOS/DAS MENORES BENEFICIARIAS DAS AXUDAS:**

- Para libros e material escolar :

NOME E APELIDOS	IDADE	CURSO	COLEXIO



Xoves, 12 de setembro de 2024

Núm. 178


**Uso do servizo de comedor escolar dos seguintes menores:**

NOME E APELIDOS	IDADE	CURSO	COLEXIO	Nº DIAS SEMANAIS

A persoa solicitante autorízalle á Concellaría de Política Social e á de Educación do Concello de Mos, a recadar os documentos que obren noutros servizos municipais, así como a información adicional que se considere necesaria para completar o expediente, para o que se dirixirá ós órganos públicos ou privados competentes.

Mos, ..... de ..... de 2024

Asdo.: .....

(De acordo co previsto na [Lei de LOPD do 15 de xuño 2018](#), informámolo de que os datos incluídos nesta solicitude serán rexistrados en ficheiros automatizados responsabilidade da entidade local, para a xestión de usuarios/as con acceso ós ficheiros con datos de carácter persoal, sen que estea prevista ningunha cesión destes datos. Os dereitos de acceso, rectificación, cancelación de datos e oposición poderanse realizar nos termos previstos na devandita lei

**A/A: Alcaldesa do Concello de Mos**

Pode verificar a integridade deste documento no seguinte enderezo:  
<https://sede.depo.gal>  
Código seguro de verificación:0863EBELP5G3FSXS



Xoves, 12 de setembro de 2024

Núm. 178

**ANEXO II**

**DECLARACIÓN DE ESTAR AO CORRENTE COAS OBRIGAS FISCAIS**

D/Dª. ....con N.I.F ..... como persoa solicitante, e

D/Dª.....con N.I.F..... .....como cónxuxe da persoa solicitante,  
ou persoa unida por análoga relación

Informo con relación ao expediente de concesión de axudas municipais para libros e material escolar e uso do servizo de comedor no curso escolar 2024/2025, e co obxecto de cumprir cos requisitos esixidos polas bases da convocatoria, baixo a miña responsabilidade,

**DECLARO:**

- Non ter débedas de natureza tributaria co Estado nin coa Comunidade Autónoma no período executivo.
- Non ter débedas coa Administración Local.
- Estar ó corrente nas obrigas coa Seguridade Social.

Mos, ..... de .....de 2024

Asdo.: solicitante: .....

Asdo.: cónxuxe.....

-----



Xoves, 12 de setembro de 2024

Núm. 178

### ANEXO III

#### DECLARACIÓN DE AXUDAS

D/D<sup>a</sup>. ..... con NIF ....., en relación ao expediente de concesión de axudas municipais para libros e material escolar e uso do servizo de comedor no curso escolar 2024/2025, e co obxecto de cumprir cos requisitos esixidos polas bases da convocatoria, baixo a miña responsabilidade,

manifesto que;

non  si , recibín ou solicitei para este curso escolar algunha outra axuda para a mesma finalidade, sen superar o importe global ó 100% do custo e comprométome a comunicar todas as axudas que perciba para o mesmo fin e aceptar as bases.

Mos, ..... de .....de 2024

Asdo.:

